



ziunala da litteratura a Cuira chi metta il focus sùlla traducziun litterara tanter las quatter linguas nazionalas ed il rumen. Preschaintas sun eir statas Rut Plouda e sia traductura rumena Magdalena Popescu-Marin.

**Medaglia da bruonz per chaschöl jauer.** Il signun Severin Caratsch da la chascharia Müstair ha guadagnà la medaglia da bruonz cun seis «Chaschöl da muntogna» al Champiunadi mundial pel meglder chaschöl chi ha gnü lö a Madison i'ls Stadis Units.

16-22 MARZ 2017

**Dis da l'aua forta a Scuol.** Scuol ha organisà per la 5avla jada excursiuns e referats cun differents puncts da vista intuoern il tema «La forza da l'aua». L'eivna tematica vain organisada da la TESSVM.

28 MARZ 2017

**Prüm cudesch da Ganzoni.** L'autura da Scuol e Schlargna Romana Ganzoni publichescha seis prüm cudesch cul titel «Granada Grischun», cumparü pro Rotpunktverlag, la chasa editura. La vernissascha ha gnü lö i'l Reine Victoria a San Murrezzan.

30 MARZ 2017

**Premi per Dario Cadonau.** Il cuschinunz d'elita ed hotelier Dario Cadonau survain il premi «Taste of origin» a la concorrenza dals giuvens hoteliers da l'Europa. Cun sia duonna maina el daspö il 2010 l'Hotel In Lain a Brail.

31 MARZ 2017

**«Leivras rösas» da Bibi Vaplan.** L'artista da Scuol preschainta seis nouv disc chi ha pudü gnir realisà grazcha a la finanziaziun partecipativa illa raìt. Il proget ha dürà duos ons.

6 AVRIGL 2017

**Lingia d'ota tensiun suot terra.** Prüma palada a Ftan per il proget da las Ouvras Electricas d'Engiadina Bassa SA chi metta suot terra la lingia d'ota tensiun da Pradella fin Bever. I'l s-chav vain eir aint ün büschen pella fibra da vaider.

6 AVRIGL 2017

**Cafè rumantsch a Scuol cun reediziun da Plouda.** L'autura da Ftan ha prelet our da seis cudesch «Sco scha nügglia nu füss» (2000) chi ha fingià surgni plüs premis. La reediziun es gnüda fatta da la Chasa Editura Rumantscha. Karin Kohler-Pattis ha fat l'introducziun.

